

Aktuelnosti:

1. Održan sastanak oko utvrđivanja prijedloga Zakona o lokalnoj samoupravi KS
2. Gradačac juriša na poziciju poslovnog središta Bosanske Posavine
3. Povećan interes investitora za ulaganje u Konjic
4. Načelnik Cazina održao drugi sastanak s kazinskim zastupnicima
5. Za projekte mladih u BiH obezbijeđen fond od 308.200 KM
6. Održan prvi sajam općina i gradova jugoistočne Evrope
7. Općina Travnik na sajmu NEXPO
8. Štand Općine Cazin jedan od najinovativnijih na sajmu NEXPO
9. Grad Sarajevo i četiri gradske općine zajedno na NEXPO
10. Posjeta delegacije Kineske međunarodne asocijacije prijateljskih gradova Sarajevu
11. Gradonačelnik Behmen primio delegaciju Novog Pazara i SEDA-e
12. Promocija prve emisije municipalnih obveznica u FBIH
13. Potpisani protokoli za pružanju pomoći Općine Centar Općini Ravno i području Skakavac
14. Vlada Japana pomaže obnovu vodosnabdijevanja u Bosanskom Grahovu
15. Predložene mjere za ublažavanje ekonomske krize
16. Saradnja privrednika i lokalnih vlasti u Cazinu
17. Počela implementacija Projekta «Starter»
18. Počela izgradnja vodovoda u

GLEDAJTE svake druge subote u 13:30 sati na Hayat TV – “Moje dvorište” dokumentarno informativnu emisiju o lokalnoj samoupravi.

Repriza je ponedjeljkom u 21:00 sati.

<http://vimeo.com/user5457690/videos>

ODRŽAN SASTANAK OKO UTVRĐIVANJA PRIJEDLOGA ZAKONA O LOKALNOJ SAMOUPRAVI KS



SARAJEVO, 16. mart/ožujak – Na poziv Premijera Kantona Sarajevo Fikreta Musića, u prostorijama KS, 16. marta/ožujka održan je sastanak o postupku i načina utvrđivanja konačnog teksta prijedloga Zakona o lokalnoj samoupravi KS. Sastanku su prisustvovali premijer KS, ministri kantonalnih ministarstava, direktorica Saveza općina i gradova Federacije BiH, gradonačelnik Grada Sarajevo i načelnici općina Stari Grad, Centar, Novo Sarajevo, Ilidža, Hadžići, Vogošća i Ilijaš, direktor Kantonalne uprave za inspeksijske poslove i predstavnik GAP-a. Intenzivnije aktivnosti na izradi pomenutog zakona rezultat su izvršenja presuda Ustavnog suda Federacije BiH koje se odnose na nedonošenje Zakona o lokalnoj samoupravi, nedonošenje kantonalnog Zakona o pripadnosti prihoda i usklađivanje pojedinih kantonalnih propisa iz Djelimične presude po tužbi Grada Sarajeva, što ukazuje na potrebu da se ovi poslovi završe u što je moguće razumnijem periodu,

Bosanskoj Krupi

19. Seminari o upravljanju lokalnim razvojem

20. NAJAVA održavanja uvodne Konferencije za projekat CDMA

Poštovani članovi i čitaoci,

Kao i do sada, obavještavamo Vas o unutrašnjoj i vanjskoj komunikaciji i razmjeni najboljih iskustava i praksi kao i o različitim obukama koje mogu doprinijeti kadrovskom jačanju općinskih službenika.

Putem ovog biltena se možete informirati i o drugim dešavanjima u proteklom periodu kao što su konferencije, seminari, okrugli stolovi a koji mogu doprinijeti unapređenju sistema lokalne uprave.

Ukoliko želite da se prijavite za primanje ovog biltena možete to učiniti tako što ćete poslati e-mail na sljedeću adresu: dino@sogfbih.ba

Molimo vas da ovaj elektronski bilten prosljedite svim zainteresiranim u vašoj i susjednim općinama.

Ukoliko želite da objavite neke od vaših novosti, iskoristite elektronski bilten Saveza, koji je brz, efikasan i jeftin način komuniciranja sa javnošću.

Sa zadovoljstvom očekujemo vaše komentare, sugestije i primjedbe.

[Kontaktirajte nas](#)

[Telefoni:](#)

033/ 216 502, 033/ 552 812

odnosno da se Zakon o lokalnoj samoupravi uputi u proceduru do kraja juna/lipnja 2011. godine. Zajednički stav učesnika sastanka je da se radi o složenim poslovima, posebno sa aspekta obezbjeđivanja sredstava za obavljanje poslova iz nadležnosti jedinica lokalne samouprave, te da ne treba previše žuriti već sve aspekte temeljito sagledati i predložiti najoptimalnija rješenja, s obzirom na specifičnosti, posebno komunalne infrastrukture, obrazovanja i dr.

Na kraju diskusije učesnici sastanka su jednoglasno zaključili da nosilac aktivnosti dogovaranja o poslovima iz nadležnosti lokalne samouprave i izradi prijedloga Zakona o lokalnoj samoupravi bude Ministarstvo pravde i uprave, te da do 21. marta/ožujka sve zainteresovane strane (gradonačelnik Grada Sarajeva, načelnici općina, Savez općina i gradova FBiH i ministri resornih ministarstava KS) dostave Ministarstvu pravde i uprave imena svojih ovlaštenih predstavnika u zajednički stručni tim za utvrđivanje teksta prijedloga Zakona o lokalnoj samoupravi. Ispred Saveza općina i gradova Federacije BiH u ovaj tim je imenovana Elvira Imširović Bolić, viši saradnik za pravna pitanja.



GRADAČAC JURIŠA NA POZICIJU POSLOVNOG SREDIŠTA BOSANSKE POSAVINE



GRADAČAC, 16. mart/ožujak – U okviru planiranih posjeta svih općina Tuzlanskog kantona delegacija Vlade Tuzlanskog kantona na čelu sa premijerom Seadom Čauševićem jučer je boravila u Gradačcu. Premijer i njegovi saradnici, ministrica za obnovu, razvoj i povratak Dijana Bilalović, ministar industrije i energetike Željko Knežiček i ministar poljoprivrede, vodoprivrede i šumarstva Imšir Škahić upoznali su se sa

stanjem u općini Gradačac kako bi u saradnji sa lokalnim vlastima unaprijedili život građana TK.

Premijer Sead Čaušević je u razgovoru sa načelnikom Fadilom Imširovićem i njegovim saradnicima te predsjedavajućim OV Gradačac Edisom Dervišagićem upoznat sa mogućnostima daljeg razvoja poljoprivrede i turizma te jačanja infrastrukture i ambijenta za razvoj privrede.

Predstavnici općine Gradačac su od premijera i članova Vlade TK zatražili da se što hitnije počne sa realizacijom bespovratnih sredstava za stambeno zbrinjavanje boračke populacije, pomogne oko projekata osnivanja Muzeja odbrane BiH i projekta izgradnje Bosanskog kulturnog centra.

"Očekujemo da saradnja, koju smo uspostavili u svim značajnim oblastima za razvoj općine Gradačac, zaživi u narednom periodu na dobrobit svih građana", rekao je općinski načelnik Fadil Imširović.

Kako je istaknuto, zajednički interes lokalne zajednice i Kantona je jačanje

Fax: 033/552 810, 033/ 552 811

http://www.sogfbih.ba

http://www.partnerstvogradova.ba/

http://www.nexpo.nalas.eu

e-mail: dino@sogfbih.ba

NAŠ CILJ je informirati vas o seminarima, treninzima, konferencijama i drugim aktivnostima, koji unapređuju lokalnu upravu i kadrovsko jačanje zaposlenih u vašim općinama.

KORISNI LINKOVI ZA PREDPRISTUPNE FONDOVE:

http://www.southeast-europe.net/en/

http://www.adriaticipacbc.org/

http://www.interregadriatico.it/index1.html

http://www.europa.ba/

http://www.cbib-eu.org/en/welcome/index.html

http://www.cbc.bih-mne.org/

http://www.srb-bih.org/

http://www.cbc-cro-bih.net/

http://www.programmemed.eu/

http://www.tacso.org/

http://www.euroinfocentar.ba/

http://www.balkanfund.org/

http://eurelsmed.com/

http://eacea.ec.europa.eu/index_en.php

poduzetništva i zapošljavanje. Tim povodom premijer TK Sead Čaučević se sastao sa članovima Udruženja privrednika. Oni su mu iznijeli koncept izgradnje "Industrijske zone II" u Gradačcu koja bi, na površini od 360 dunuma u četiri distrikta (metalni, građevinski, prehrambeni i sitne uslužne djelatnosti), uz minimalna ulaganja trebala privući domaće i strane investitore. "Osnovni cilj vlade je da se aktivno angažuje u oblasti zapošljavanja kroz podršku firmama koje se dalje mogu razvijati. Jedna od ideja je upravo ovo što vidimo u Gradačcu, velika poslovna zona koja predstavlja uzor ili želju da širom kantona nešto slično napravimo", rekao je premijer Čaučević na kraju svoje posjete Gradačcu.



POVEĆAN INTERES INVESTITORA ZA ULAGANJE U KONJIC

KONJIC, 15 mart/ožujak – Općina Konjic i u naredne dvije godine sa puno volje i elana ulazi u realizaciju nekoliko značajnih projekata.

Za period 2010-2013. godine budžetom Općine predviđeno je 26.000.000 KM za realizaciju kapitalnih projekata.

Među prioritetnim projektima u ovoj godini nalaze se: put Dubočani-most Rakitnica ukupne vrijednosti 200.000

KM, popločanje starog mosta 300.000 KM, uređenje gradskih ulica i sekundarnih centara 150.000 KM, projektna dokumentacija i izvođenje radova za vodovod Oteležani-Gorani 300.000 KM, kanalizacioni kolektor sa uređajem za prečišćavanje otpadnih voda 800.000 KM, rekonstrukcija Narodne Univerzitetske biblioteke 200.000 KM, pješački most na Trešanici 180.000 KM, uređenje terena Drecelj - industrijska zona 250.000 KM.

Budžetom je predviđeno da se ove godine radi i saobraćajnica Orašje ukupne vrijednosti 300.000 KM, pješačka staza Puhale vrijednosti 260.000 KM, kao i uređenje Boračkog jezera zašto je predviđeno izdvajanje od 100.000 KM, toplifikacija grada 100.000 KM, proširenje saobraćajnice oko MŠC 200.000 KM i uređenje fasade na zgradi DPO ukupne vrijednosti 100.000 KM.

Posljednih godina znatno je porastao interes stranih i domaćih investitora za ulaganje u razvoj turizma, poljoprivrede, iskorištenje hidroenergetskih potencijala i drugih prirodnih resursa na području ove općine.

Za razvoj turizma u Općini Konjic najveći dio sredstava se izdvaja za rješavanje problema infrastrukture, kao što je izrada regulacionih planova, uređenje turističkih destinacija, čistoću i uređenje grada, obnovu historijskih spomenika, otvaranje muzeja, razne kulturne manifestacije i pružanje podrške investitorima za ulaganje u objekte turističkih sadržaja. U 2010. godini za razvoj turizma ukupno je izdvojeno je oko 2.000.000 KM.

Rukovodstvo Općine na čelu sa Bubalom do 2013. godine planira završiti projekt otpadnih voda sa prečišćavanjem koji je počelo 2009. godine.



NAČELNIK CAZINA ODRŽAO DRUGI SASTANAK S CAZINSKIM ZASTUPNICIMA



CAZIN, 15. mart/ožujak – Jučer je u svom kabinetu načelnik općine Cazin Nermin Ogrješević primio parlamentarne zastupnike sa područja općine Cazin koji participiraju u vlasti na svim nivoima. Povod susreta je bio razgovor o predstojećem budžetiranju na višim razinama i predstavljanje kapitalnih projekata općine kako bi se za iste zajedničkim snagama pronašla najbolja rješenja realizacije.

Zastupnicima je ovo bio drugi radni sastanak kod načelnika općine čime pokazuju dobru volju i iskrene namjere da se uključe u procese rješavanja problema koji se tiču svih građana na području općine Cazin. Dogovorili su se da poslože prioritete i da se u prvoj fazi obezbijede finansijska sredstva za projekat O.Š. „Cazin I“ i nedostajuća sredstva za dovršetak školskog objekta „II Srednje škole“. Prema njihovim riječima djeca su prioritet u svakom pogledu zbog čega se trebaju stvoriti preduslovi za njihovo sigurno, zdravo i efikasno obrazovanje. Također smatraju da USK ne smije više biti marginalizovan na uštrb ostalih područja BiH, naročito jer imamo svoje predstavnike na svim nivoima.

Osim projekata iz oblasti obrazovanja razgovaralo se i o rekonstrukciji Trga Alije Izetbegovića za koji je pribavljeno odobrenje za građenje, zatim o sredstvima koja su potrebna za završetak stambeno-poslovnog objekta za boračke populacije, rekonstrukciji objekta stare Gimnazije, uređenju parka izvan zidina Starog grada Cazina, izgradnji glavnog fekalnog gradskog kolektora za koji je urađena projektna dokumentacija i čeka se građevinska dozvola, sportsko-rekreacionom centru Alinac itd.

Složili su se da je neophodno raditi na sinhronizaciji zajedničkog djelovanja i da se treba fokusirati na one projekte koji imaju obezbijeđenu projektnu dokumentaciju ili su u fazi izgradnje.

ZA PROJEKTE MLADIH U BIH OBEZBJEĐEN FOND OD 308.200 KM



SARAJEVO, 14. mart/ožujak – Fondacija Mozaik je potpisala Sporazume o finansiranju i razvoju sa sedam općina iz BiH koje će i u 2011. godini pružiti podršku projektima mladih kroz program Omladinske banke, dok je u deset preostalih

općina upriličeno potpisivanje Aneksa Sporazuma o finansiranju i razvoju, saopćeno je iz Fondacije.

Ukupni fond Omladinskih banaka u BiH za 2011. godinu iznosi 308.200,00 KM, a obezbjeđen je od Fondacije Mozaik, donatora USAID, BTĐ i 17 partnerskih općina. Bespovratna sredstva su namijenjena za projekte neformalnih grupa mladih u lokalnim zajednicama.

Fondacija Mozaik je iz sredstava USAID-a osigurala 105.935,00 KM, Balkanski fond za demokratiju obezbjeđuje 34.000,00 KM, dok će općine Modriča, Mrkonjić Grad, Tešanj, Usora, Šekovići, Vukosavlje i Zvornik za projekte mladih ljudi participirati sa 64.000,00 KM, a općine Doboj Jug, Gornji Vakuf – Uskoplje, Novi Travnik, Novi Grad, Kotor Varoš, Kozarska Dubica, Srbac, Šipovo, Žepče, Zavidovići doprinose sa 104.265,00 KM.

U svim partnerskim općinama je otvoren poziv za dostavljanje projekata. Neformalne grupe mladih mogu aplicirati Omladinskim bankama prijedloge projekata, a Odbori Omladinske banke će vršiti selekciju najboljih. Uz mobilizaciju lokalnih resursa, ukupna vrijednost implementiranih projekata biti će uvećana za isti iznos utrošen iz fonda Omladinske banke. Najmanje 200 projekata osmišljenih i vođenih od strane mladih ljudi će se realizovati do kraja septembra/rujna 2011. godine.

ODRŽAN PRVI SAJAM OPĆINA I GRADOVA JUGOISTOČNE EVROPE "NEXPO"



SARAJEVO, 11. mart/ožujak – Prvi sajam općina i gradova jugoistočne Evrope "NEXPO", održan je u Sarajevu, 10. i 11. marta/ožujka. Sajam je organizovan na inicijativu Saveza općina i gradova Federacije BiH, a uz pomoć Mreže lokalnih vlasti jugoistočne Evrope (NALAS), Saveza opština i gradova RS i pokroviteljstvom Gradske uprave Grada Sarajeva. Na njemu je učešće uzelo oko 1.500 učesnika iz više od 20 zemalja svijeta. Među učesnicima su bili gradonačelnici/načelnici, općinskih i gradskih lidera, uposlenici jedinica lokalne samouprave, vijećnici, predstavnici viših nivoa izvršne i zakonodavne vlasti, međunarodnih i domaćih organizacija, itd.

Posjetitelji sajma su imali priliku da obilazeći izložbeni prostor sajma sa oko 100 izložbenih štandova upoznaju sa načinom rada i upravljanja, kulturom, turističkim i privrednim potencijalima i sl., više od 100 općina i gradova.

Osim toga, u sklopu Sajma su organizirane i brojne konferencije i radionice, te bogat kulturni program koji uključuje predstave i fotografske izložbe.

Sajam je otvorio **Vladimir Moskov**, predsjednik NALAS-a, koji je kazao da ovaj sajam predstavlja potvrdu bolje saradnje lokalnih zajednica iz regiona u budućnosti. "Lokalne zajednice regiona su otvorene za razmjenu iskustava i uspostavljanje međusobne komunikacije. Zajedničkim naporima moramo prebroditi sve probleme koje imamo, kako bi stvarali bolji život našem stanovništvu", kazao je Moskov. Na uvodnoj ceremoniji otvaranja prisutnima su se obratili i **Keith Whitmore**, predsjednik Kongresa lokalnih i regionalnih vlasti Vijeća Evrope (CLRAE) koji je kazao da je sajam odlična prilika da se dodatno podrži integrisanje zapadnog Balkana u Evropu. **Alija Behmen**, gradonačelnik Grada Sarajeva izrazio je zadovoljstvo što je Sarajevo domaćin ovog eminentnog skupa koji predstavlja jedinstvenu priliku za predstavnike lokalnih samouprava da razmjenjuju postojeća iskustva, ali i da otvore nove mogućnosti. **Husejin Smajlović**, predsjednik Saveza općina i gradova FBiH istakao je da je lokalna samouprava



osnov za stabilan sistem cijele države, te da je neophodno ulagati u lokalne zajednice i razvijati ih kako bi imali zadovoljne građane i društvo u cjelini. Prisutnima su se obratili i **Dragoljub Davidović**, predsjednik Saveza opština i gradova RS, **Alojz Petrlje**, član Evropskog parlamenta, **Kurt Kunz**, šef ureda SDC-a, **Li Ligu**, generalni sekretar Kineske međunarodne asocijacije prijateljskih gradova (CIFCA) i **Bakir Izetbegović**, član Predsjedništva BiH. Izetbegović je u svom govoru istakao svjesnost činjenice da su lokalne vlasti prvi kontakt države i njenih građana. «Na tom mjestu se direktno utiče na svakodnevni život građana, a na osnovu tog iskustva se formira percepcija o ukupnom kvalitetu države kao servisa». Također, Izetbegović je čestitao na realizaciji Sajma općina i gradova jugoistočne Evrope. "Ovakav jedan sajam je



odličan forum za razmjenu ideja i iskustava koje mogu pozitivno uticati na razvoj sredina u kojima djelujete", naveo je Izetbegović. Prema njegovim riječima, države jugoistočne Evrope, sa svim nivoima vlasti, moraju učiniti svaki napor da postanu što efikasniji i što efektniji servisi svojih građana. "Uvjeran sam da će ovaj događaj pomoći u tom procesu, te dati veoma konkretne i upotrebljive rezultate. Posebno me raduje što ste danas okupljeni ovdje u ovolikom broju, jer to govori o vašem neskrivenom interesu za usavršavanjem i većim angažmanom. Nadam se da ćete dane trajanja sajma provesti u otvorenom dijalogu, pronalazeći najbolja moguća rješenja. Na kraju krajeva, svi dolazimo iz regije koja se suočava sa istim ili sličnim izazovima tranzicije i

dostizanja evropskih standarda, pa jedni drugima možemo mnogo pomoći", dodao je Izetbegović. Ceremoniju otvaranja vodili su **Vesna Travljanin**, direktor Saveza općina i gradova FBiH i **Kelmend Zajazi**, izvršni direktor NALAS-a.

U okviru sajamskih aktivnosti upriličena je press konferencije, a nakon nje organizovane su konferencije i interaktivne radionice. Prvi dan sajma održane su dvije konferencije na teme "Dobra uprava i EU integracije" i "Twinning for Development", i četiri radionice na teme "Know-how", "Benchmarking", "E-Governance" i "Energy Efficiency". Drugi dan održana su izlaganja na temu "Lokalna uprava predvodi održivi razvoj u Jugoistočnoj Evropi", upriličena je ceremonija potpisivanja Sporazuma načelnika zapadnog Balkana (Covenant of Mayors for Western Balkans) iz oblasti energetske efikasnosti, te konferencija iz oblasti "Socijalne inkluzije" i radionica "Održivi turizam".

U okviru sajma potpisano je tridesetak bilateralnih sporazuma, kao i "Sporazum načelnika" između Saveza općina i gradova Federacije BiH i Nacionalne asocijacije italijanskih opština (ANCI). "Covenant of mayors" odnosno "Sporazum načelnika" je svjetska inicijativa koju je potpisalo već više od 2.000 gradova.

ANCI je Nacionalna asocijacija talijanskih općina, a koji predstavlja svoje članice pred državnim i evropskim institucijama i čiji je osnovni cilj razvoj uloge općina na svim poljima i sektorima važnim za lokalnu samoupravu. ANCI je već duže vrijeme uključen u procese decentralizacije i izgradnje mreža među asocijacijama lokalnih vlasti u zemljama EU, kao i na području Balkana. U okviru svojih aktivnosti, ANCI je uključen u "SEENET Program – trans-lokalnu mrežu za kooperaciju između Italije i jugoistočne Evrope".

Potpisanim sporazumom između Saveza općina i gradova FBiH i ANCI-ja načelnici




se obavezuju na iniciranje aktivnosti vezanih za brigu i zaštitu okoline, odnosno zalažu se za smanjenje zagađivanja okoline u lokalnoj sredini.

U okviru ceremonije zatvaranja sajma prezentirana je i usvojena finalna deklaracija sajma, tzv. Sarajevska deklaracija, koju su koncipirali organizatori i učesnici ove manifestacije. Deklaracija podrazumijeva aktivno uključivanje lokalnih vlasti jugoistočne Evrope u proces evropskih integracija. Ona osnažuje odnos lokalne uprave i samouprave u nacionalnim i nadnacionalnim okvirima i daje široku lepezu mogućnosti za bolje umrežavanje ovog dijela Evrope.

Na marginama sajma održana je i generalna Skupština NALAS-a kojoj su prisustvovali i predstavnici Saveza općina i gradova Federacije BiH.

Sa Međunarodnog općinskog sajma "NEXPO" poslana je zajednička poruka koja upućuje da jugoistočna Evropa počiva na saradnji.



OPĆINA TRAVNIK NA SAJMU «NEXPO»



Konstruktivnost predavljanja Općine Travnik na Sajmu gradova i općina Jugoistočne Evrope ogleda se u konkretizaciji aktivnosti i razgovora koji su vođeni tokom ovog Sajma. Već prvog dana uspostavljena je saradnja pomoćnika načelnika za oblast razvoja općina Travnik i Karpoš iz Republike Makedonije. Naime, ova makedonska Općina je iskazala interes o uspostavljanju

međuopćinske saradnje te je nakon dogovora potpisana i Povelja o namjeri za uspostavljanje saradnje koju su potpisali načelnici ovih općina, Tahir Lendo i Stewevcho Jakimovski.

Načelnik Općine Travnik je, nakon niza sastanaka i postignutih dogovora usaglasio postojanje zajedničkih interesa sa općinom Martinska Ves, jednom od općina hrvatskog grada Sisak. Načelnik ove općine, Ivica Dadović, sa velikim interesovanjem obišao je štand Općine Travnik na kojem je održan zajednički sastanak i upriličeno potpisivanje Povelje o namjeri za uspostavljanje saradnje. Ovom prilikom razmijenjene su informacije o ove dvije općine, posebno informacije koje se odnose na moguće oblasti saradnje.

Najznačajnijim događajem od šireg značaja na Sajmu smatra se potpisivanje Sporazuma o energetskejoj učinkovitosti općina



Jugoistočne Evrope. Općina Travnik jedna je od potpisnica ovog Sporazuma čiji je osnovni cilj kako razviti Akcioni plan energije za općine Jugoistočne Evrope i strateške prednosti energetske učinkovitosti za općine Jugoistočne Evrope. Ovaj značajni dokumenat u ime Općine Travnik potpisala je Aida Daul, sekretar Općine Travnik.

Predstavnici italijanske regije Pijemonte, koji su partneri Općine Travnik u planiranju, projektovanju i izgradnji nordijske staze sa svim popratnim sadržajima na Vlašiću, bili su gosti na štandu Općine Travnik. Na ovom Sajmu oni su imali ulogu predavača na radionici čija je tema bila održivi turizam a ovu priliku boravka u Bosni i Hercegovini iskoristili su kako bi sa predstavnicima Općine Travnik konkretizovali neke od dogovora koji se odnose na projektovanje nordijske staze čija je faza u toku.

Već ranije uspostavljeni kontakti sa slovenačkom općinom Maribor, nastavljeni su i na ovome sajmu sastankom načelnika općina sa pomoćnicima načelnika. Postignuti su određeni dogovori koji se odnose na usaglašavanje procedura za uspostavljanje partnerskih odnosa. Inače, prema već razmijenjenim zvaničnim informacijama i podacima utvrđeno je postojanje interesa obje općine za uspostavljanje partnerstva u nekoliko oblasti što će biti definisano zvaničnim aktima.

Također, načelnik Općine Travnik održao je sastanak sa gradonačelnikom hrvatskog grada Križevci na štandu Travnika. Gradonačelnik Križevaca uručio je predsjedavajućem Općinskog vijeća Travnik zvaničan poziv za prisustvo Međunarodnom sajmu privrede koji će se održati u novembru/studenom. Ovako uručen poziv istvremeno je garancija za osiguran besplatan prostor za izlagače iz Travnika. Ovom događaju prisustvovao je i direktor križevačkog sajma, Darko Mahnec, koji je ponudio više informacija o ovom događaju ali i o značaju izlaganja privrednih potencijala na ovakvim međunarodnim događajima.



Pored toga, na ovom sastanku sa predstavnicima grada Križevci, razmijenjene su i informacije o privrednim kapacitetima i upućeni međusobni pozivi za razmjene delegacija koje mogu biti početak konkretizacije saradnje u određenim oblastima.

Značajan događaj za Općinu Travnik na ovakvom sajmu jeste i posjeta Makedonskog ambasadora i dogovorena posjeta Općini Travnik za mjesec maj/srpanj ove godine.

ŠTAND OPĆINE CAZIN JEDAN OD NAJINOVATIVNIJIH NA SAJMU «NEXPO»

Protekle sedmice u Sarajevu je održan dvodnevni sajam općina i gradova jugoistočne Evrope, na kome je učestvovala i općina Cazin. Bilo je to mjesto susreta velikog broja gradonačelnika, predstavnika lokalnih vlasti, međunarodnih organizacija, donatora i turističkih agencija. Uporedo sa održavanjem sajma organizovane su konferencije i radionice o temama: socijalna uključenost, efikasno korištenje energije, urbano planiranje, održivi turizam i efikasno korištenje fondova

Evropske unije. Štand Općine Cazin je bio nezaobilazno mjesto svim učesnicima sajma, kao i posjetiocima. Izuzetno dobra organizacija, neobičan i jedinstven dizajn, privukli su mnogobrojne goste koji su htjeli znati informaciju više o ovoj općini, projektima i potencijalima. Općina Cazin ima velike šanse da zauzme



leadersku poziciju u razvoju ovog kraja.

Ovaj regionalni susret Općina Cazin i njeni predstavnici su iskoristili da razgovaraju sa potencijalnim investitorima i donatorima, razvojnim i međunarodnim organizacijama.

Također se pokazalo da je krajiško gostoprimstvo jedan od jačih aduta u izgradnji pozitivnog

imidža općine. Tim Općine Cazin i cjelokupna vizuelna prezentacija općine ocijenjeni su kao jedna od najboljih na ovom sajmu koji je brojao preko 100 štandova i više od 1.500 posjetilaca.

Ovaj regionalni susret Općina Cazin i njeni predstavnici su iskoristili da razgovaraju sa potencijalnim investitorima i donatorima, razvojnim i međunarodnim organizacijama. Načelnik Ogrišević je pohvalio organizaciju ovog skupa i rekao da se zajedničkim radom i razmjenom iskustva mogu riješiti mnogi problemi u lokalnim zajednicama, posebno jer su u pitanju općine iz zemalja tranzicije koje imaju ista iskustva u prihvatanju standarda EU.

GRAD SARAJEVO I ČETIRI GRADSKJE OPĆINE ZAJEDNO NA «NEXPO»

Općine Stari grad, Centar, Novo Sarajevo i Novi Grad zajedno sa Gradskom upravom imale su zajednički štand sa info pultovima, na kojima se nalazio promotivni materijal, koji je za dva dana trajanja sajma obišlo oko 1500 posjetilaca iz 20 zemalja svijeta. Inače, gosti iz Kine i Turske pokazivali su najviše interesovanja u pogledu ostvarivanja buduće saradnje sa sarajevskim općinama.



Ovim povodom pripremljena je zajednička brošura "NEXPO 2011 – Sarajevo" koja sadržava najznačajnije razvojne i turističke projekte pomenutih općina i Grada, statističke podatke, kao i odgovor na pitanje zašto treba investirati u ove općine. Brošura se mogla preuzeti na štandu gdje su, pored toga, sve općine izložile i druge promotivne materijale. Općina Stari Grad je, pored biltena "Starogradske haberi" izložila suvenir "Sarajevsku kocku" uz promo materijal, multimedijalni CD "Dobrodošli u Stari Grad", promotivni film o Općini i dr... Također, na štandu su izložene vitrine sa eksponatima (rukotvorine i stari zanati), a otvorena je i mogućnost fotografiranja sa pozadinom Sarajeva i izrada razglednice na licu mjesta za sve posjetioce. Pripremljena je i video prezentacija turističkih potencijala koja se može pogledati na dva LCD-a smještena na štandu.

POSJETA DELEGACIJE KINESKE MEĐUNARODNE ASOCIJACIJE PRIJATELJSKIH GRADOVA GRADU SARAJEVU



SARAJEVO, 10. mart/ožujak – Gradonačelnik Sarajeva Alija Behmen, zajedno sa zamjenicima Miroslavom Živanovićem i Igorom Kamočajijem, upriličio je prijem za delegaciju Kineske međunarodne asocijacije prijateljskih gradova (CIFCA) na čelu sa

generalnim sekretarom Li Liguom, koja boravi u Sarajevu povodom učešća na Prvom sajmu općina i gradova jugoistočne Evrope-NEXPO 2011.

Ovom prilikom, gradonačelnik Behmen istakao je kako se ove godine navršava 30. godina od bratimljenja Sarajeva i Tianjina, te da je potrebno unaprijediti i započeti dinamičniju saradnju ova dva grada.

Također, Behmen je kazao kako je uputio poziv delegaciji grada Tianjina da posjeti Sarajevo i učestvuje na "Sarajevo Business forumu", koji se tradicionalno održava 6. aprila/travnja na Dan grada Sarajeva.

Generalni sekretar Li Liguu naglasio je kako su na sajam NEXPO došli predstavnici iz 21 grada, ističući da Kineska međunarodna asocijacija prijateljskih gradova (CIFCA) želi unaprijediti već postojeće odnose.

"Želja nam je da Sarajevo, osim Tianjina, uspostavi prijateljske odnose i sa drugim gradovima Kine jer smatramo da možemo mnogo naučiti jedni od drugih", kazao je Liguu.

On je istakao kako delegacija Grada Tianjina ima namjeru uskoro posjetiti grad Sarajevo.

Qin Lin, predsjednica Udruženja za prijateljstvo sa inozemstvom Provincije Sichuan, u ime guvernera, gradonačelniku Sarajeva uručila je pozivnicu da delegacija Grada Sarajeva u oktobru/listopadu učestvuje na Sajmu izložbe prijateljskih gradova u ovoj kineskoj provinciji.

Inače, CIFCA- Kineska međunarodna asocijacija prijateljskih gradova je nacionalna civilna organizacija Kine, sa statusom pravnog lica.

Uspostavljena je u Pekingu u martu/ožujku 1992. godine, pod pokroviteljstvom Kineske narodne asocijacije prijateljstva sa inostranstvom (CPAFFC).

Broji više od 300 gradova iz 31 kineske pokrajine, autonomnih regija i općina, koje su direktno pod centralnom upravom (ne uključujući provinciju Tajvan, Hong Kong i Makao, Specijalnu administrativnu regiju).

GRADONAČELNIK BEHMEN PRIMIO DELEGACIJU GRADA NOVI PAZAR I SEDA-E

SARAJEVO, 9. mart/ožujak – Gradonačelnik Sarajeva Alija Behmen, sa saradnicima, primio je danas delegaciju Grada Novi Pazar i Agencije za ekonomski razvoj Sandžaka (SEDA), koju je predvodio gradonačelnik Novog Pazara Meho Mahmutović.

Delegacija Novog Pazara boravi u Sarajevu povodom učešća na Prvom sajmu općina i gradova jugoistočne Evrope "NEXPO - 2011".

Posjeti Gradu Sarajevu prethodila je inicijalna posjeta predstavnika Sarajevske regionalne razvojne agencije (SERDA) SEDA-i, koja se desila u Novom Pazaru, 10. decembra/prosinca 2010. godine.

Na današnjem sastanku razgovarano je o mogućnostima uspostavljanja saradnje između dva grada i razmatrani su osnovni elementi koji će biti sadržani u Sporazumu o saradnji između Grada Sarajeva i



Grada Pazara, kao što su: ostvarenje privredne saradnje, privrednih susreta, razmjena iskustava i komunikacije između privrednika Sandžaka i Sarajeva, uspostavljanje univerzitetske saradnje, razmjena iskustava, kadrovsko jačanje, te mogućnost zajedničkog apliciranja na Temus i FP7 program Zajednice.

Također, sporazum će sadržavati mogućnosti razvijanja kulturne saradnje ove dvije regije koje imaju dosta dodirnih tačaka kroz historijsko naslijeđe, realizaciju infrastrukturnog projekta iz oblasti promocije turizma, odnosno vertikalne signalizacije puta Sarajevo-Novi Pazar, te pripremu timova za projekte prekogranične saradnje, razmjenu iskustava i informacija, kao i intenziviranje koordinacije između SERDA-e i SEDA-e.

Sporazum će biti potpisan 20. aprila/travnja u Novom Pazaru, povodom Dana grada i svečanog obilježavanja 550. godišnjice od kako je Isa-beg Ishaković, utemeljitelj Grada Sarajeva, osnovao i Novi Pazar.

Potvrđujući namjeru za uspostavljanjem saradnje sa Gradom Sarajevom, gradonačelnik Mahmutović je predložio razmjenu iskustava, naročito u vezi s realiziranim projektima Grada Sarajeva, podržanim kroz IPA Fondove, te zajedničko apliciranje kod Evropskih fondova, gdje će se Grad Sarajevo pojaviti kao posrednik ili direktni korisnik.

Gradonačelnik Behmen je izrazio podršku uspostavljanju saradnje između gradova, na regionalnom nivou i šire.

PROMOCIJA PRVE EMISIJE MUNICIPALNIH OBVEZNICA U FBIH

SARAJEVO, 10. mart/ožujak - Promocija i prezentacija povodom prve emisije municipalnih obveznica u Federaciji BiH (FBiH) odražana je danas u Sarajevu, u organizaciji Općine Tešanj i SEE Investment Solutions.

Cilj prezentacije bio je upoznati javnost sa novim načinom finansiranja kapitalnih projekata koji će pomoći poboljšanju životnog standarda stanovništva lokalnih zajednica, te naglasiti značaj obveznica za razvoj tržišta kapitala.



"Municipalne obveznice su jedan od najčešće korištenih instrumenata u finansiranju kapitalnih projekata u svim razvijenim zemljama svijeta, ali i regiona. U Republici Srpskoj (RS) sa ovakvim projektima se krenulo prije dvije godine. Naime, na Banjalučkoj berzi emitovano je ukupno 62 miliona KM u tom periodu. Logično je da ta praksa treba zaživiti i na

području FBiH, što bi domaće tržište kapitala učinilo atraktivnijim, a lokalnim sredinama otvorilo nove mogućnosti za unapređenje standarda stanovnika", pojasnio je, u uvodnom obraćanju, mr Ensad Karić iz SEE Investment Solutionsa.

Kako je istakao Karić, osnovne prednosti finansiranja emisijom obveznica su da "općina vlada polugom zaduženja, zatim niža kamatna stopa u odnosu na kreditno zaduživanje, nezavisnost od bankarskog sektora, te poreske olakšice i povećana odgovornost predstavnika vlasti zbog izražene transparentnosti cijelog procesa". On je dodao kako se Općina Tešanj prva u FBiH odlučila na ovaj vid finansiranja, te kako je za očekivati da novi instrument na tržištu kapitala privuče brojne investitore u ovoj općini.

"Municipalne obveznice su dodatni izvor finansiranja strateških prioriteta Općine Tešanj i od posebnog su značaja, jer će osigurati brže kretanje ka realizaciji strateških opredjeljenja", rekao je načelnik Općine Tešanj Fuad Šišić.

Prema njegovim riječima, osnovni prioritet u Općini Tešanj je privući nove investicije i uposliti ljude, a potencijalnim investitorima ponuditi infrastrukturno spremne lokacije.

Zlatan Dedić, direktor Sarajevske berze-burze (SASE) putem koje će se vršiti emisije obveznica, čestitao je načelniku Općine Tešanj na ovom kako je rekao "pionirskom projektu u FBiH".

"Općina Tešanj je općina koja ima viziju i strategiju. Ona zna šta želi i zna način na koji će to ostvariti. To je općina koja ima operativne ciljeve. U Općini Tešanj treba otvoriti više radnih mjesta, a to možemo postići tako što ćemo više pažnje posvetiti investitorima, koji će svoj novac uložiti u nove projekte", kazao je Dedić. Za tehničku realizaciju ove emisije zadužena je brokerska kuća – agent emisije SEE Investment Solutions.

"Ukupan broj obveznica koje se emituju je 5.000, a nominalna vrijednost obveznice je 100 KM, tako da je nominalna vrijednost emisije 500.000 KM, s rokom dospeljeća od tri godine. Obveznice će nositi godišnji prinos od šest posto", pojasnila je direktorica SEE Investment Solutions Aida Bučo.

Ona je istakla da je trajanje upisa deset dana, od 11. do 20. aprila ove godine, a emisija će se vršiti putem SASE metodom preovlađujuće cijene.

POTPISANI PROTOKOLI ZA PRUŽANJE POMOĆI OPĆINE CENTAR OPĆINI RAVNO I PODRUČJU SKAKAVAC

SARAJEVO, 9. mart/ožujak – Načelnik Općine Centar Sarajevo Dževad Bećirević potpisao je danas u prostorijama ove općine protokole sa načelnikom Općine

Ravno Andrijom Šimunovićem i sa direktorom Javne ustanove (JU) za zaštićena prirodna područja Kantona Sarajevo (KS) Osmanom Delićem kojima se dodjeljuju grantovi budžeta Općine Centar.

Općinsko vijeće Centar je, na prijedlog načelnika Bećirevića, u ovogodišnjem budžetu Općine izdvojilo 10.000 KM za sanaciju šteta od poplava na području općine Ravno, dok je za nabavku protivpožarne opreme za zaštićeno područje vodopada Skakavac odobreno 9.000 KM, što treba biti realizovano u okviru projekta "Protivpožarna zaštita – spomenik Skakavac".

Načelnik Općine Ravno Andrija Šimunović je ovom prilikom iskazao veliku zahvalnost na donaciji Općine Centar koja će biti usmjerena za pomoć najugroženijim kategorijama stanovništva.

"Velike poplave koje su zahvatile i našu malu općinu načinile su ogromnu materijalnu štetu na komunalnoj infrastrukturi, te gospodarskim i stambenim objektima", kazao je Šimunović i dodao da je dio novčanih sredstava koja su dobili od resornih ministarstava, te od županijske i federalne vlade iskorišten za kupovinu građevinskog materijala za sanaciju uništenih objekata.

Osman Delić, direktor JU "Zaštićena prirodna područja KS", koja je nadležna za spomenike prirode "Vrelo Bosne" i "Skakavac", te zaštićeni pejzaž "Bijambare" je također zahvalio Općini Centar na donaciji i kazao da je tokom prošle godine, nakon što je formirana Javna ustanova, zahvaljujući Općini Centar i načelniku Bećireviću izvršena sanacija pristupnog puta do vodopada Skakavac, čime je to



prirodno bogatstvo postalo pristupačnije ljubiteljima prirode.

"Zaštićeno područje Skakavac, gdje se nalazi jedan od najviših vodopada u Evropi, postaje sve interesantnija destinacija za izletnike, pa je i povećana opasnost od požara. Stoga smo pokrenuli projekt protivpožarne zaštite i nabavke opreme", rekao je Delić, navodi se u saopćenju.



VLADA JAPANA POMAŽE OBNOVU SISTEMA VODOSNABDIJEVANJA U BOSANSKOM GRAHOVU SA 74.228 €

BOSANSKO GRAHOVO, 9. mart/ožujak – Vlada Japana odlučila je da dodijeli grant od 74.228 eura Općini Bosansko Grahovo za projekt obnove sistema vodosnabdijevanja.

Ceremonija potpisivanja ugovora o dodjeli sredstava bit će održana sutra u Ambasadi Japana u Sarajevu. Ugovor će potpisati ambasador Japana u Bosni i Hercegovini Futao Motai i načelnik Općine Bosansko Grahovo Uroš Makić.

Općina Bosansko Grahovo prepoznala je projekt obnove sistema vodosnabdijevanja kao jedan od ključnih projekata za poboljšanje uvjeta života za stanovnike koji žive na teritoriji ove općine.

U okviru ovog projekta bit će urađena zamjena vodovodnih cijevi u dužini od 3.681 metara čime će biti osigurano povećanje pritiska vode u vodovodnoj mreži, a time i redovno snabdijevanje vodom.

Ovim projektom bit će osigurano vodosnabdijevanje tokom čitave godine što će olakšati svakodnevni život oko 5.000 stanovnika koji žive na ovom području te će se stvoriti bolji uvjeti za ekonomski razvoj.

Vlada Japana pridaje veliku važnost projektima vodosnabdijevanja, s obzirom na značaj vode za ljudsko zdravlje kao i za podupiranje ekonomskog razvoja. Od 1996. do danas vlada Japana je donirala oko 950.000 eura za projekte vodosnabdijevanja u BiH.

PREDLOŽENE MJERE ZA UBLAŽAVANJE EKONOMSKE KRIZE

VITEZ, 8. mart/ožujak - Načelnik Općine Vitez Vlado Alilović predložio je 23 mjere za ublažavanje uticaja globalne ekonomske krize na područje te općine, a o njima je Općinsko vijeće već upoznato.

Do sljedeće sjednice Vijeća, kako je zaključeno, utvrdiće se provođenje mjera koje su u nadležnosti Općine Vitez, što će svim vijećnicima biti dostavljeno u pismenoj formi, kako bi se mogli o njima izjasniti.

Pored prisutne ekonomske krize, općina Vitez i dalje bilježi najbolje privredne rezultate na području Srednjobosanskog kantona (SBK).

Na kraju prošle godine bez posla je bilo 4.035 osoba, a zaposleno 6.095.

Jedan od prioritetnih ciljeva donošenja mjera za ublažavanje uticaja globalne ekonomske krize je da se sačuvaju postojeća radna mjesta, ali i da se, prema raspoloživim mogućnostima poslodavaca, otvore nova.



SARADNJA PRIVREDNIKA I LOKALNIH VLASTI U CAZINU



CAZIN, 4. mart/ožujak – Da je za lokalni razvoj bitna dobra saradnja sa privrednicima pokazuje i jučerašnji sastanak načelnika općine Cazin i grupe privrednika sa ovog područja. Cilj ovog okupljanja, prema riječima domaćina, jeste razmjena informacija o privrednim kretanjima na

području općine Cazin i unapređenje međusobne komunikacije.

Načelnik Općine Cazin, Nermin Ogršević iskoristio je da u uvodnom obraćanju privrednicima naglasi potrebu iskorištavanja poduzetničkog potencijala koji ova općina ima i preći sa individualne na kolektivnu komunikaciju. "Trebamo, prije svega, razložiti pitanje nadležnosti općine i drugih nivoa, kako bismo znali šta je čija uloga i koji problem možemo riješiti na kojoj razini".

Pored općinskog načelnika sastanku je prisustvovao predsjedavajući OV-a Haris Ćoralić, pojedini pomoćnici načelnika i direktori JU i JP. Uvodnom dijelu ovog susreta pridružio se i Mustafa Ružnić, rukovodioc službe Biroa rada u Cazinu. On je prisutne informisao o aktivnostima Službe za zapošljavanje i mogućim podsticajima za naše privrednike. Ispred Regionalne razvojne agencije sjeverozapadne BiH, predstavnicima rukovodećih firmi u Cazinu, obratio se Amir Mulalić i skrenuo pažnju na mogućnosti koje će fondovi EU ponuditi privrednim preduzećima, neophodnost edukacije na tom polju i pomoć koju ova agencija pruža u povezivanju sa privrednicima u cijeloj Evropi preko projekta BITIN (evropska poduzetnička mreža).

Privrednici Cazina su shvatili važnost ovakvog okupljanja i mogućnosti koje im se pružaju kroz zajedničke nastupe. Njihov generalni zaključak jeste neophodnost rasterećenja privrede, posebno u ovim teškim trenucima, što svakako mora krenuti od lokalnog nivoa. U fokusu razgovora su bile i Odluke i propisi iz



općinske nadležnosti, kao što su Odluka o naplati odvoza otpada za pravna lica, Odluka o komunalnim taksama, a usaglašen je i zajednički prijedlog da se na naredni sastanak pozovu i cazinski zastupnici parlamenata i skupština svih nivoa. Kao naredna tema razgovora predložena su mnoga pitanja zakonodavne prirode, zbog čega je bitno da parlamentarni zastupnici čuju mišljenja onih koji su ih birali.

Pored ovih pitanja bilo je riječi i o poduzetničkoj zoni na kojoj će općina raditi u narednom periodu. Ovdje se svakako očekuje uključivanje naših poduzetnika i razmatranje mogućnosti zajedničkog nastupa prema višim nivoima vlasti.

Načelnik je okupljenima sugerirao da formiraju Udruženje privrednika, čime bi se osigurala i institucionalizirala saradnja. Inicijativa je naišla na odobravanje prisutnih, a načelnik je obećao podršku u organizovanju i budućem djelovanju jednog takvog udruženja. Ovom prilikom je također naglašeno da su općina i kabinet načelnika svakodnevno otvoreni za direktnu komunikaciju.

POČELA IMPLEMENTACIJA PROJEKTA «STARTER»



Regionalna razvojna agencija za regiju Centralna BiH-REZ u saradnji sa općinama Busovača, Maglaj, Novi Travnik, Travnik i Žepče imlementira projekt "Starter – edukativni program za poboljšanje mogućnosti za samozapošljavanje", koji finansira Ambasada Kraljevine Norveške u Bosni i Hercegovini.

Ovim projektom će se promovisati poduzetnički duh i poboljšati vještine mladih i nezaposlenih

kako bi se generisale nove poslovne ideje, pružila podrška razvoju novih preduzeća i otvaranju novih radnih mjesta. Pružanjem tehničke i finansijske pomoći, ograničene na odabrane poslovne ideje, želimo postaviti primjer i motivirati lokalne vlasti kako bi podržali nova preduzeća kroz promociju, edukaciju i finansijsku podršku.

Start-up podrška u svakoj općini će biti organizovana kroz dva međusobno povezana modula – Start-up podršku i Start-up fond. Uposlenici REZ Agencije će

biti uključeni u organizaciju, planiranje i provedbu treninga i stoga imati vodeću ulogu u provedbi cijele djelatnosti. Ovaj modul je zamišljen kao ciklus / niz radionica / treninga koji će obuhvatiti sve segmente poslovanja preduzeća, a posebno je prilagođen za nova preduzeća. Konačni rezultat ove obuke bi trebale biti definirane i razvijene poslovne ideje spremne za provedbu, navode iz REZ-a. Start-up fond u iznosu od 15.000,00 KM je obezbijeđen od strane općina, partnera u projektu, i koristiti će se za podršku 3 najbolja poslovnih plana u otvorenom takmičenju i na taj način će se direktno pružiti podrška prilikom osnivanja novih preduzeća, kao i otvaranju novih radnih mjesta.

POČELA IZGRADNJA VODOVODA U BOSANSKOJ KRUPI



BOSANSKA KRUPA, 18. mart/ožujak – U reonu Perne kod Bosanske Krupe danas su započeli radovi na iskopu kanala i polaganja cjevovoda za vodovod Bosanska Krupa, Pištaline, Mahmić selo. Investitor ovog projekta je javno komunalno preduzeće 10. jula, a projekat se finansira kreditnim sredstvima Svjetske banke u iznosu nešto većem od 3.000.000 KM.

Pripreme za ovaj projekat traju od kraja 2009. godine kada je Općinsko vijeće u Bosanskoj Krupi, a na inicijativu općinskog načelnika Armina Halitovića donijelo odluku da se kreditno zaduži za ovaj kapitalni projekat. Preko Federalnog ministarstva finansija došlo se do vrlo povoljnog kredita Svjetske banke namijenjenog za vodosnabdijevanje i odvodnju otpadnih voda i od tada traju administrativne procedure za obzbjeđivanje svih dozvola kako bi se mogla izdati građevinska dozvola za najveći posljertatni projekat u bosanskokrupskoj općini.

Trasa vodovoda ide od izvorišta Ada u Bosanskoj Krupi kroz sami centar grada i ispod drvenih mostova do kraja Prvomajske ulice, a potom preko livada i kroz šumu prolazi preko platoa Perne te ide prema Pištalinama, potom Jezerskom i završava u Mahmić selu. Ukupna trasa vodovoda je duga oko 22 km, na trasi će biti izgrađeno 6 rezervoara, 3 prepumpne i jedna pumpna stranica.

Predviđeno je da radovi budu završeni do kraja juna/lipnja, ali zbog loših vremenskih uslova tokom februara/veljače radovi bi mogli potrajati i do kraja jula/srpnja.



SEMINARI O UPRAVLJANJU LOKALNIM RAZVOJEM

Obavještavamo vas o ponavljanju seminara na temu upravljanja lokalnim razvojem za 33 JLS, što organizira UNDP u okviru Projekta „Sistem obuke za JLS”, a u saradnji sa Projektom integriranog lokalnog razvoja. Seminari su usmjereni na vođstvo i na praktičare iz JLS, te sukladno tome organizirani u dva odvojena modula.

U tabeli ispod se nalaze termini održavanja seminara.



Lokacija	Termini	Modul	JLS koje učestvuju u seminaru
Konjic, Hotel Garden City	15. mart	1 – za vođstvo	Berkovići, Fojnica, Goražde, Ilijaš, Jablanica, Konjic, Nevesinje, Visoko, Vitez
Mostar, Hotel Bristol	16. mart	1 – za vođstvo	Čapljina, Livno, Ljubinje, Mostar, Neum, Posušje, Široki Brijeg, Tomislavgrad, Trebinje
Banja Luka, Hotel Ćubić	16. mart	1 – za vođstvo	Domaljevac-Šamac, Ključ, Kostajnica, Odžak, Orašje, Sanski Most, Teslić, Velika Kladuša, Živinice
Jahorina, Hotel Vučko	17. mart	1 – za vođstvo	Gacko, Milići, Pale, Srebrenica, Višegrad, Zvornik
Konjic, Hotel Garden City	22. i 23. mart	2 – za praktičare	Berkovići, Fojnica, Goražde, Ilijaš, Jablanica, Konjic, Nevesinje, Visoko, Vitez
Banja Luka, Hotel Ćubić	23. i 24. mart	2 – za praktičare	Domaljevac-Šamac, Ključ, Kostajnica, Odžak, Orašje, Sanski Most, Teslić, Velika Kladuša, Živinice
Mostar, Hotel Bristol	29. i 30. mart	2 – za praktičare	Čapljina, Livno, Ljubinje, Mostar, Neum, Posušje, Široki Brijeg, Tomislavgrad, Trebinje
Jahorina, Hotel Vučko	30. i 31. mart	2 – za praktičare	Gacko, Milići, Pale, Srebrenica, Višegrad, Zvornik

NAJAVA ODRŽAVANJA UVODNE KONFERENCIJE ZA PROJEKAT CDMA

U skladu sa implementacijom projekta “Razvoj kapaciteta saveza općina i gradova u Bosni i Hercegovini (CDMA)”, koji zajednički implementiraju Savez općina i gradova Federacije Bosne i Hercegovine, Savez opština i gradova Republike Srpske i Međunarodna kooperativna agencija saveza općina Kraljevine Holandije – VNG-International, a koji je financiran od strane Švedske međunarodne agencije za razvoj i saradnju - Sida, ured VNG-International organizira CDMA Konferenciju.

Cilj Konferencije jeste upoznavanje načelnika iz oba entiteta sa aktivnostima i statusom implementacije projekta, novim servisima i proizvodima koje nude savezi. Putem radionice, koja će biti organizirana u okviru Konferencije, učesnici će moći aktivno učestvovati u izradi novog strateškog plana saveza za period 2011-2015 godine.

Konferenciji, koja će se održati 31. marta/ožujka u Sarajevu, Hotel Terme, Ilidža, a pozvani su da prisustvuju svi načelnici i gradonačelnici iz cijele Bosne i Hercegovine.

